

薛立齋醫案全集

辛酉孟夏中澣
後齋署



癰疽神祕驗方

餘杭陶華編 吳郡薛 已校

癰疽十段闕

新

者 吳玄有校

癰疽遍身拘急疼痛寒熱宜宣通經絡宜用人參敗毒散

人參敗毒散

人參

獨活

柴胡

桔梗炒

羌活

枳殼炒

茯苓

川芎

前胡

甘草各一錢

作一劑水二鍾薑三片煎一鍾服後服內托復煎散

內托復煎散

地骨皮

防已酒

官桂

白芍藥炒

甘草炙

當歸酒

茯苓

白朮炒

人參

黃芩

黃芪各一錢 鹽水拌炒

防風錢

咬咀先以蒼朮一片水

五升煎去朮入藥再煎至二升終日飲之渣再煎服

愚按機要云治瘡之法當分三因用前二劑者蓋為外因之治也邪在表者用人參敗毒散散之後服內托復煎散托之使邪不得內侵固為善也亦有內因邪在臟致大便不通宜用內疎黃連湯又有不內外因者便利調勻飲食如故邪在經絡宜用托裡榮衛湯不可一概用前二劑也

內疎黃連湯

黃連炒

芍藥炒

當歸酒

檳榔

木香

黃芩炒

山梔炒

薄荷

桔梗炒

甘草各七錢

連翹錢

大黃錢二

作一劑水二鍾煎八分食前服

托裡榮衛湯

黃芪炒

紅花

桂枝

蒼朮米泔浸炒

柴胡

連翹錢一

羌活

防風

當歸身酒

甘草炙

黃芩各半錢

人參錢五

作一劑水二鍾煎八分食遠服

癰疽大渴發熱或瀉或小便如淋宜用竹葉黃芪湯

竹葉黃芪湯

生地黃

黃芪錢各二

當歸酒拌

淡竹葉

川芎

甘草炙

黃芩炒

白芍藥炒

人參

半夏

石膏一錢各

作一劑水二鍾薑三片煎八分食遠服

愚按前證七惡中之一惡也此方治之其功甚捷亦有左手脉浮大而熱或渴者宜發散表邪右手脉沉寔而熱或渴者宜疎去內邪若潰後作渴或小便如淋或脉大而無力者屬氣血虛也宜大補氣血亦有潰後熱不止或作渴遂以為敗證不治若素有胃火或胃經熱毒未盡胃脉尚數者仍宜服前湯服而脉反大熱愈甚渴愈作斯為敗證蓋因真氣虛而邪氣寔也今之潰瘍畏石膏黃芩二藥性冷多不肯服若胃脉未靜非此藥豈能治也若因循日久煎熬氣血膿血愈多氣血愈虛反成敗證矣治者當含證從脉可也大抵瘡瘍之證七惡內見一二惡甚可畏虛中見惡證者不治寔證無惡候者自愈

又方托裡黃芪湯

黃芪炒六錢

甘草炙

瓜蒌根錢各一

作一劑水二鍾煎八分頻服之加人參一錢亦可愚用此

方治氣虛作渴甚効若氣血俱虛或膿血大泄作渴或兼發熱者宜用托裡養榮湯

托裡養榮湯

人參

黃芪炙

當歸酒拌

芍藥炒

川芎

白朮錢各一

五味子炒

麥門冬去心

甘草炙各五分

熟地黃用生者酒拌同藥半日

作一劑用水二鍾薑三片棗二枚煎八分食遠服

癰疽膿血大泄敗臭痛甚宜用黃芪人參湯

黃芪人參湯

人參

蒼朮米泔炒

白朮炒

陳皮

麥門冬去心

當歸酒拌

神麴炒

甘草炙

五味子料炒各一錢

黃耆炙二錢

黃柏炒

升麻各四

作一劑水二鍾薑三

片棗二枚煎八分食遠服

愚按前證七惡中之二惡也宜用此方治之亦有潰後虛而發熱或作痛少寐无效若痛少止大便

不寔黃柏麥門冬可不用蓋惡寒中也凡瘡膿潰之後若脉洪大則難治自利者不治

癰疽喘急恍惚嗜卧此心火刑肺金宜用人參平肺散

桑白皮炒

知母炙分

杏仁去皮尖炒

地骨皮

紫蘇

橘紅

半夏薑製

茯苓

青皮

人參各一錢

甘草炙五分

五味子料炒

作一劑水二鍾薑三片煎八分

食遠服

愚按此方理氣清肺化痰之劑若肺脉洪數無大者宜用若兼發熱作渴脉洪數有力者宜用如金解毒散此證火尅金為惡候面赤者亦不治

如金解毒散後方見

癰疽目斜視上黑睛紫小白睛青赤肝挾火邪宜用瀉青丸

瀉青丸

當歸酒拌

川芎

山梔仁炒

羌活

草龍胆酒拌炒

防風

大黃酒拌炒各等分

為細

末煉蜜丸雞頭寔大每服一丸煎淡竹葉湯化下日進二三服如瀉去大黃加荊芥或用黃連瀉心湯一二劑亦可愚按前證七惡中之三惡也若肝脉弦緊洪數者最當亦有目視不正睛不瞭瞭脉微或浮者乃真氣虛也宜用大補之劑夫瀉青者瀉肝經之火邪也肝屬木其色青故耳

癰疽四肢沉重宜用胃苓散

胃苓散

蒼朮二錢米泔浸炒厚朴薑製

陳皮

甘草炙

白朮各一錢

茯苓七錢

澤瀉

木香

白芍藥各一錢官桂五分

淡竹葉二十片

作一劑水二鍾薑三片棗二枚煎八分食前服

愚按前症七惡中之五惡也服而若脾氣醒濕氣除宜用參苓白朮散之類多服恐導損津液

參苓白朮散

人參

茯苓

白朮炒

蓮肉去心

砂仁炒

薏苡仁炒

山藥各二兩

桔梗炒

甘草炙

白扁豆姜汁浸炒去皮

為細末每服二錢用石菖蒲煎湯調下

癰疽嘔吐不下食不知味宜用橘半胃苓湯

橘半胃苓湯

橘紅

半夏姜製各一錢

蒼朮米泔浸炒

白朮炒

厚朴姜製

甘草炙

茯苓

人參

澤瀉

茅根各二錢

姜汁數匙

作一劑水二鍾煎一鍾入姜汁煎一二沸作十餘

次飲之

愚按前症七惡中之六惡也用此方後胃氣將醒宜用六君子湯兼服之亦有煩燥飲冷不食脉沉

寔而嘔者恐不可用此宜用內疎黃連湯

內疎黃連湯

方見前

癰疽聲嘶色敗唇鼻青赤面目浮腫宜用調胃白朮散

調胃白朮散

白朮炒

茯苓各二錢

陳皮

白芍藥炒

枳榔

澤瀉各一錢

木香作一劑水二

鍾姜三片煎八分食後服如腫不退加

白朮炒

枳實各一錢

愚按前症乃七惡也用此方若濕除氣少退用六君子湯參苓白朮散之類大便不寔尤效再用枳

柳木香惡傷真氣也亦有真氣虛而致前症者尤不宜用二藥

六君子湯

人參

白朮

茯苓

半夏製

陳皮銹

甘草炙

作一劑水二鍾姜三

片棗三枚煎六分食遠服

參苓白朮散方見前

癰疽胸滿腹痛泄瀉咳逆昏憤宜用托裡溫中湯

托裡溫中湯

羌活

乾薑炮各一錢

附子炮四錢

益智仁搗碎

丁香

沉香

木香

茴香各一錢

甘草炙一錢

陳皮一錢

作一劑水二鍾姜三片煎八分食前服

愚按此寒氣內陷之方也羅謙甫捨時從證曰內經云寒淫於內治以辛熱佐以苦溫故以乾姜附子大辛熱溫中外發陽氣自裡之表故為君羌活味苦辛溫透關節炙甘草甘溫補脾胃行經絡通血脉胃寒則嘔吐吃逆不下食益智仁丁香沉香大辛熱以散寒為佐瘡氣內攻氣聚而為滿木香茴香陳皮苦辛溫治痞散滿為使也用治前證誠為良方非精於醫治者不能立也若寒氣散中氣溫宜用托裡健脾之劑

癰疽大痛不止宜用加味解毒湯

加味解毒湯

黃耆鹽水炒

黃連炒

黃芩炒

黃柏炒

連翹

當歸酒拌各七分甘草炙

白芍藥

梔子仁炒各一錢

作一劑水二鍾煎八分服之藥下痛即止

愚按此方若脉洪大按之有力者用此解之其功甚大亦有便秘脉寔而痛者宜用內疎黃連湯下之若潰而反痛者宜用內補黃芪湯補之穢氣所觸而痛者和解之風冷所逼而痛者溫養之丹溪

云凡瘡不可不痛不可大痛煩悶者不治

內疎黃連湯方見前

內補黃芪湯

黃芪鹽水炒

熟地黃酒拌

人參

茯苓

甘草炙各五分

芍藥炒

川芎

官桂

遠志去心炒

當歸酒拌各八分

麥門冬去心五分

作一劑水一鍾半姜三片棗二枚煎六分食

遠服

癰疽勢惡平陷一應無名疔毒活人無數宜用真人活命散

真人活命散一名仙方活命散

滴乳研

防風

白芷

貝母

赤芍藥

當歸尾

明沒藥研

皂角刺炒

天花粉

甘草節

川山甲炮各一錢

陳皮

金銀花各三錢

在背俞皂角刺為

君在腹募白芷為君

在胸次加瓜蒌仁錢二

在四肢金銀花為君如疔瘡加紫河車草根錢三

亦可

右為粗末瘡大四兩瘡小二兩作一劑無灰酒十茶鍾瘡小五茶鍾入有嘴瓶內以厚紙封

口勿令泄氣煎至三大鍾去渣作三次服接連不段隨瘡上下服能飲酒者服藥後再飲三五杯此

藥並無酒氣不動臟腑不傷氣血忌酸薄酒銑器服後側睡覺痛定回生神功浩大不可臆度

真人 真人活法世間稀 大惡癰疽總可醫 消毒只如湯發雪 化膿漸使肉生肌

偈云 陰功何止萬人活 神效何須刻日期 留下仙方誠信授 存仁修製上天知

愚常用此方不問陰陽虛實善惡腫潰大痛或不痛先用此劑大勢已退然後隨餘證調治其功甚

捷誠仙方也

二黃膏 治一切腫毒

黃柏 大黃各等 為末用醋調搽如乾用水潤之

又方揭毒散

大黃半兩

白芨兩

朴硝兩

為末并水調搽如乾再搽

愚按此二方乃寒涼之藥若瘡瘍痲腫作痛屬陽之證宜用之或微腫痛而不焮赤者恐不宜用蓋氣血喜溫而惡寒若冷氣入裡反為難治之證矣

又方 治一切癰疽腫毒

草烏

貝母

天花粉

南星

芙蓉葉各等

為細末用醋調搽四圍中留頭

出毒如乾仍用醋潤之

愚按此方藥性溫和常用不問陰陽腫潰並效

宣毒散 治一切毒瘡其功不可盡述

大黃錢五

白芷錢

作一劑水二鍾煎一鍾食前服

愚按此方乃宣通攻毒之劑若脉沉寔便秘者乃毒在臟也宜服之以絕病源其功甚大或臟腑調和而脉不寔恐不可用醫林集要方大黃一斤白芷六兩為末每服三錢熱酒調下更用茶清調搽患處命名萬金散蓋因其功而珍之也當以水泛為丸令可服吳申江僉憲兄背患痲木悶堅硬脉沉寔乃毒在內用一服大小便下污物再服而消惡患者忽此二藥故以所嘗治驗者告之

白芷

藿香

茅香

香附

防風各二

木香

甘草各一

作一劑

用水三碗煎數沸去粗淋洗患處

愚按此方乃馨香之劑也經云血氣聞香則行得臭則逆即此意也若瘡毒將盡宜用之若毒未盡或有瘰癧宜先用雄黃解毒散解之後宜用此方須用膏藥護貼使風邪弗入肌肉易生大凡一有瘡口即用膏藥貼之至收口為度最忌生肌之劑

雄黃解毒散 治一切癰疽潰爛解毒凡下部濕毒作痒未膿者連用數次自消

雄黃兩

白礬兩

寒水石兩

為末用滾水二三碗來熱入前藥一兩薰洗患處

神僊太乙膏

治癰疽及一切瘡毒不問年月深淺已未成膿者並治之如發背先以溫水洗淨軟帛拭

乾用紉帛攤貼之更用冷水送下血氣不通溫酒下赤白帶下當歸酒下咳嗽及喉閉纏喉風並用

新綿裹置口中嚥化下一切風赤眼捏作小餅貼太陽穴更以山梔湯下打撲傷損外貼內服橘皮

湯下腰膝痛者患處貼之溫湯下唾血者桑白皮湯下以蛤粉為衣其膏可收十餘年不壞愈久愈

烈又治瘰癧瘻瘡並用溫湯洗貼酒下一丸婦人經脉不通甘草湯下一切疥別煉油少許和膏塗

之虎天蛇蝎湯火刀斧傷者皆可內服外貼

玄參

白芷

當歸

肉桂

大黃

赤芍

生地黃各一兩

為咀

用麻油二斤入銅鍋內煎至黑濾去粗入黃丹十二兩再煎滴水中捻軟硬得中即成膏矣予常用

但治瘡毒并內癰有奇效忽一婦月經不行腹結塊作痛貼之經行痛止後隨前云治證用之無有

不痊愈知此方之妙也

生肌散 治瘡口不合

木香錢

黃丹

枯礬各五錢

輕粉錢二

右件各另為細末用猪胆汁拌勻晒乾再研細糝

患處

愚按此方乃解毒去腐搜膿之劑非竟自生肌藥也蓋毒盡則肉自生常見患者往往用龍骨血竭

之類以求生肌殊不知餘毒未盡肌肉何以得生反增潰爛耳若此方誠有見也亦有氣血俱虛不

能生者當用托裡之劑又有風寒襲於瘡所不能生者宜用豆豉餅炙之若流注頑瘡內有膿管或

瘻肉或癰核須用針頭散腐之錠子尤妙如背瘡杖瘡湯火瘡大潰當用神效當歸膏則能去腐生

新大有神效

豆豉餅 治瘡瘍腫硬不潰及潰而不斂并一切頑瘡惡瘡用江西豆豉為末唾津和作餅子如錢大厚如三文置患處以艾壯於餅上灸之餅乾再用唾津和作如有瘡腫大用漱口水調作餅覆患處以艾鋪於餅上燒之如未成者用之即消已成者縱不能全消其毒頃減前人俱稱有奇功不可忽之神效當歸膏 治癰疽瘡毒及湯火杖瘡潰爛最能止痛推陳致新

當歸

蘇油

白蠟

先用當歸入油煎至焦黑色去粗入蠟溶化即成膏

矣此方用蠟為君前人每云蠟為外科之要藥生肌定痛續筋補虛其功不可盡述常見善訟者杖後隨食蠟兩許飲酒一二碗一睡之後血散痛止輕者即消重者雖腐潰亦易愈可見蠟之功為大用者不可忽之

癰疽勢退調治提防作渴宜用加減八味丸

加減八味丸 補腎止口渴虛煩

五味子

乾山藥

官桂

白茯苓

牡丹皮

澤瀉

山茱萸

肉桂

熟地黄

用生者二兩酒拌銅器蒸半日即為熟此砂器亦可騰膏

為細末入二膏加煉蜜或酒糊丸梧子大每服七八十空

心溫酒下益湯亦可

愚按此方乃陰虛火動之劑也瘡疽痊後及將痊口渴甚者口黃堅硬及未患先渴或心煩躁渴小便頻數或白濁陰痿飲食少思肌膚消瘦及腿腫脚先瘦及口齒生瘡不絕此乃腎水枯涸不能上潤心火炎上不能既濟服此藥以生腎水降心火諸證悉治誠良方也

一男子作渴口飲水數碗

冬月亦然彼用前方去肉桂服之不應

一男子患此欲治以前凡彼謂肉桂性熱乃服知母黃柏

等藥渴不止背發疽而殁

一男子亦患此證漸消瘦與前丸數服渴減半一劑而痊再劑形體復

壯夫肉桂腎經藥也前證乃腎經虛火炎上無制為患用肉桂導引諸藥以補之及引虛火歸原故

效

一男子口舌糜爛津液短少眼目赤小便數痰涎壅盛脚膝無力或冷或午後脚熱夢而愈盛

效

效

效

數年不愈服之即愈此皆治驗

地黃大補丸 治癰疽愈後作渴

龜板酒炙兩半 黃柏酒炒五錢 知母去皮五錢酒拌搗膏

人參兩 熟地黃用生者兩半酒拌 為細

未入二膏如前方丸服

大補腎氣丸 治證同前

五味子炒 黃柏酒炒各一兩 知母去皮一兩酒拌搗膏

龜板童便炙二兩 熟地黃用生者二兩酒拌 為細

未入二膏加酒糊和丸梧子大每服四五十丸五更酒送下。益湯亦可。

愚按二方常治陰虛相火之證有奇效亦有中氣虛而作渴須用六一湯補中益氣湯之類

補中益氣湯

黃耆炙錢半 甘草炙 人參 當歸酒拌 白朮炙各一錢 升麻 柴胡各三

陳皮五分 作一劑水二鍾姜三片棗二枚煎一鍾空心服

六一湯方見前

黃礬丸 定痛生肌 黃蠟真者兩 明礬兩 先將黃蠟溶開離火待少溫入礬末和勻眾手急丸如

梧子大每服二三十丸食前溫酒下每日二服

愚按此方不惟定痛生肌而已護膜止瀉消毒化膿及內癰排膿托裡之功甚大或金石補藥發疽

非此莫能治更用白礬一兩每服一錢溫酒調下尤效有遍身生瘡狀如蛇頭名曰蛇頭瘡尤宜服

之每日百丸方有功效若蛇蝎并一切毒虫所傷瘡化熱塗患處內更服之其毒即解為外科之要

藥也服至三四兩之上愈見其功矣

秘方托裡散 治一應瘡毒始終常服不致內陷

瓜蒌大者一 當歸酒拌 黃芪鹽水 甘草 白芍藥各兩 皂角刺炒 金銀花

天花粉

熟地黃用生者一兩酒并銅器蒸半日

用無灰酒五茶鍾和藥五兩入磁器內厚紙封口再用油紙

重封置湯鍋內煮用蓋覆之煮至藥香取出分服直至瘡愈愚按此方藥品平易消毒之功甚大且不動臟腑不傷氣血不問陰陽腫潰屢用屢效誠仙方也常治發背腦疽勢盛者更隔蒜灸若脉沉寒大小便秘者先用疎通而後用此其功甚捷若大毒已退不作膿或不潰者用托裡潰而不斂及膿清用峻補

三合湯 治癰疽不肯作膿

新江子肉 砒

斑狗各等

為細末經瘡內惡肉自化

愚按此方藥性太毒果惡毒之證宜用腐之更取以毒攻毒亦有陽氣虛不能腐化成膿者宜用大補之劑及桑木炙之以補接陽氣丹溪云氣血壯寔膿自湧出大抵瘡之潰斂遲速乃血氣盛衰使然也

梧桐淚方

癰疽勢腫惡不潰堅硬以快利刀將患處劃成十字路用麵水調稠厚周圍瘡口外高起五分許如塘池樣將淚填半滿用好水醋滴淚上須臾自沸勿令滾出麵外次日用金銀花煎湯洗淨再如前用一次只用醋洗不痛爛肉自去

愚按此方果惡瘡惡肉不腐宜用之亦有陽氣虛不能腐化者宜用大補之

李頤顏先生口授治疔瘡

回生丹 非泛常之藥萬寶之秘專治一切疔毒並有神效

金脚信

明礬砂

明乳香

半夏

上鮮丹

各五

江子肉

不去明雄黃

大南星

南朋砂

各一錢

大斑狗

十五個去足起

為細末旋取蟾酥和凡麻子大硃砂為衣每服十五

丸好酒下看瘡生上下食前後服能飲者至醉如腫毒失治毒氣入腹用此藥能起死回生良久吐

瀉俱作乃建

飛龍奪命丹 治一切疔瘡毒瘡神效

乾蟾酥 二錢 礪砂一錢 膏成

沒藥

寒水石 照

礪砂

雄黃 各三錢

乳香

硃砂

明礬 枯各一錢

輕粉

冰片 各五

蝸牛 四十十九個 研為膏如無亦效

蜈蚣 一條 去頭

右各味俱另為細末取蝸牛蟾酥研勻入前末熟杵凡萊豆大硃砂為衣每服四

五丸嚼葱白一口吐在手將藥包葱內用溫酒吞下須臾汗出或少吐瀉毒即解

愚按前方乃懞悍攻毒之劑也蓋無經不至無氣不動者後方尚緩若食一切禽畜毒物所致及瘡

脉沉緊細數毒畜在內并惡毒證欲汗吐者宜用前丹有神效老弱之人或瘡毒稍輕者宜用後丹

還更以隔蒜灸之為良常治此疾先以隔蒜灸之痛者灸至不痛不痛者灸至痛若灸之而不痛者

明灸之及針行四時去惡血以後丹一粒入瘡頭針孔內以膏藥貼之若針之不痛或無血者以

針燒赤頻烙患處以痛為度更宜服之眼黑見火先者此毒氣入臟腑也不治若患在手足紅絲攻

心腹者就於紅絲盡處刺去惡血更服敗毒藥若紅絲近心腹者更挑破瘡頭去惡水以膏藥貼之

如麻木者服後丹更以隔蒜灸明灸亦善凡人暴死多是疔毒用燈照看遍身若有小瘡即是宜急

灸之候醒更服敗毒散或前丹養生方云人汗入肉食之則生疔瘡不可不慎予常用後方無礪砂

血竭蜈蚣水片名奪命丹甚效方見外科心法上鮮丹即黃丹也

治冷癰青硬無頭陰毒

生鐵鈔錢

白松香 兩

輕粉 錢

麝香 少

先將生鐵鈔松香為細末入鉢內加麻油一兩慢火

煎數沸離火待熱少退入輕粉麝香末攪勻即為膏矣收貯量瘡大小攤貼患處

愚按此方常治瘡疥毒瘡皆效冷癰之證未試

御史敬 治行瘡

生鉄銹三錢

為末木香磨酒調下分病上下食前食後服之得微汗而愈愚按此方乃秘法也未嘗試用常治疔瘡有赤絲攻心腹者用鉄銹三錢牡蠣二錢青鹽一錢為末挑破瘡頭以燈內油調塗其絲自回名喚回丹但未用服考之本草云鉄銹生鉄上衣也治惡瘡疥癬蜘蛛等咬蒜磨敷之亦未云服家藏方用猫兒眼草一担細切以水担餘浸二日煮百餘沸去粗取汁煎至三四碗用生鉄銹細末三兩徐徐入汁內以鉄杖不住手攪再煎至二碗許成膏子治一切癰疽瘡毒甚效瘰癧潰後塗瘡內尤效

四聖散

治熱毒及疔瘡

槐花炒

龜甲童便炙

鉄銹三錢

大黃

如瀉不用

川山甲

炮一兩

五靈脂

炒各一兩

為末酒下三錢如

疔瘡加紫河車根三錢

愚按此方清涼降火攻毒之劑非積熱陽證膿未成者恐不宜用

黑末子

治癰毒

用羊角連內骨燒存性為末酒調三錢分上下服之瘡可散愚按此方未嘗用服蓋秘方也常治面上或身卒得赤斑或痒或癩毒不治殺人以致羊角燒存性研令極細末以雞子清調塗之甚效本草亦云然

螻蛄膏 治疔毒

螻蛄

三個肚白者佳

黃麻蟲

個

右二味搗勻撥破患處貼之如患在手足間有紅絲上臂絲盡處將針挑

斷出血仍用前藥

愚按此方常用有效如無麻蟲亦效毒盛者更服敗毒藥螻蛄即屎蚬娘也拔毒散治一切癰疽腫毒其功不可盡述

乳香

沒藥

川山甲

炮

當歸

木鱉子

各一錢

瓜蒌仁

各八分

甘草

炙五

忍冬藤錢

牙皂角七分

大黃生熟各半

連翹錢

貝母分

作一劑用酒水各一鍾煎一鍾食前服

愚按此方攻毒止痛化膿之良劑也屢用屢驗若有膿或已潰者大黃可不用恐泄其真氣則膿者難潰潰者難斂也亦有膿雖潰脉仍洪數或沉寔喜冷者大邪尚在又所宜用

牡蠣散 治血疔即便毒

當歸酒拌

甘草節

滑石煨錢

牡蠣煨錢

大黃錢

木鼈子五個

作一劑用水二

鍾煎一鍾露一宿五更頓服冬月火溫服已未潰膿血從大便出

愚按此方乃鹹寒導滯之劑若久曠房室大小便秘發熱痲痛或交感強固精氣致精血交錯腫結疼痛便秘者宜用若勞倦之人不甚痲痛大小便如常或小便赤色發熱不作膿及潰而不斂宜用十全大補湯蓋此證多起於勞役不足或房勞過度精氣俱虛之人俗云一石米瘡此言百日後可愈也若夫補氣血不自日而愈何用百日蓋瘡之收斂在乎血氣之盛也嘗治舉人凌待之虛而服尅伐藥幾致危殆予用托裡健脾藥而消秀才王文遠勞苦患之服小柴胡湯而表證散後用托裡藥膿成針之而旬日愈胡判官膿清脉弱以大補之藥而已愈因新婚復發自用連翹消毒散致瀉痢不止竟致不救可見此證屬不足多矣非補不可大抵便毒屬肝經初起堅硬肝主筋故也五七日後當赤軟膿成故也若尚堅硬乃元氣不能腐化往往人見堅硬只欲內消反服攻散藥多致虛虛之禍前所治者即具驗也

十全大補湯

人參錢

肉桂分

地黃酒拌

川芎

茯苓

白芍藥炒

白朮炒

黃芪鹽水

當歸酒拌

甘草炙

作一劑用水二鍾姜三片棗二枚煎八分食前服若潰而毒未盡者加金銀花連翹白芷各五分

歲靈仙散 治便毒

藏靈仙

貝母

知母略一

為永每服三錢空心酒調下如不散再服

愚按此方通經去膿消毒補虛益氣蓋此證多患於陰虛之人此方乃是一見也亦有痲痛小便數者宜先用加減龍胆瀉肝湯大小便秘飲腫作痛宜八正散增寒發熱荆防敗毒散然後用此方若不作膿或膿不潰宜用大補之劑潰而不斂者更用豆豉餅炙

加減龍胆瀉肝湯

龍胆草

酒并炒

澤瀉

車前子

炒

木通

生地黃

當歸尾

并酒

山梔

炒

黃芩

各一錢

甘草

生五

作一劑水二鍾煎八分食前服如濕盛加黃連大便秘加大黃

八正散

大黃

酒并炒

車前子

炒

瞿麥

篇蓄

山梔仁

炒

木通

甘草

各一錢

滑石

煨二錢

作一劑水二鍾煎八分食前服

荆防敗毒散

方見前

豆豉餅

方見前

防風通聖散

治瘡瘍便毒若瀉去芒硝大黃能解暑月熱毒或遍身頭面患瘡

芍藥

焙

芒硝

滑石

煨

川芎

大黃

煨

桔梗

石膏

煨

荆芥

焙

麻黃

各四分半

山梔

白朮

連翹

當歸

薄荷

甘草

防風

黃芩

焙各八分

作一劑水二鍾煎八分服

愚按此方非表裡俱寒大小便秘者恐不可用宜審之

郭氏神效烏金散

治一切瘡毒

蒼耳頭

小草頭

火麻頭

木賊

去節

蝦蟆頭

樺皮節

麻黃

去根

愚按此方乃攻毒表散之劑外因用之為宜前云再服解毒疎利之藥則又為內因也果內外因者

宜乎如此否則大犯選庭矣常治外因者汗而不下內因者下而不汗王機微義云此方治疔腫癰疽時毒附骨疽諸惡瘡等證若瘡黑陷如石堅硬四肢逆冷脉細或時昏冒譫語循衣煩渴危篤者服此汗之瘡即起此可見治外因之專藥也常用有效蝦蟆頭即車前草

郭氏青金錠子 治發背癰疽開瘡口去腐肉好肉自生

峻利生砒開瘡 緩劑煨去死肉用 慢劑去砒枯養生好肉用

愚按此以毒攻毒之意也嘗一縣尹背瘡竟背腐潰色黑重若負石甚危喜飲食頗進用桃紅散色漸赤負漸輕再用而肌生更服托裡藥而愈蓋此亦大毒證非此峻藥莫能治此亦用砒故用攻毒有效然有氣血虛不能腐潰宜養補血氣常治發背初起未成膿先用烏金膏或援生膏點患處數點以殺其大勢更服仙方活命飲如飲食少思或不甘美用六君子湯加藿香連進三五劑如外皮腐動用雄黃解毒散洗之每日用烏金膏塗腐處候有瘡口即用紙作攤蘸烏金膏緝入瘡內若有膿為筋膜間隔不出致作脹痛用針引之腐肉堵塞者去之若瘡肉腐動用猪蹄湯洗如膿稠煨痛飲食如常瘡肉自腐用消毒藥與托裡相兼服之仍用烏金膏塗搽若瘡肉已離好肉即去之如膿不稠不稀微作痛飲食不甘瘡肉腐淨用桑柴灸患處更用托裡藥主治之瘡肉不腐或膿清稀不煨痛者服大補之劑仍用桑木灸之以補接陽氣解散鬱毒其肉自腐

援生膏 治一切惡瘡及瘰癧初起點破雖未全消亦得以殺其毒

血竭錢

蟾酥錢

麝香分五

雄黃錢

輕粉錢

乳香錢

沒藥錢

用蕎麥粉

灰或真炭灰一斗三升淋灰湯八九碗將粟米或桑柴文武火煎作三碗存一碗以備日久藥乾漆用取二碗盛於磁器內將前藥研為極細末入灰湯內用錢餘或柳枝順攪再入好細石灰一升再攪勻過一宿却分於小磁罐收貯凡遇諸惡瘡點當頭一二點一日換二次次日又一次以出血水為度如藥乾却加所存灰湯少許調之